

KHALEMELO KEREKENG

Lenane-Thuto

Notes

THUTO EA #1:

- I. Selelekela sa thuto.
- II. Mabaka a Khalemelo Kerekeng:
 - A. Mabaka ao e leng a Bibeke, le ao e seng a Bibeke.
 - B. Bohlokoa ba Khalemelo.

THUTO EA #2:

- II. Mabaka a Khalemelo Kerekeng: (Nts'etso-pele.)
 - C. Khalemelo Kerekeng – ho etsetsa ea khalengoang Molemo.
 - D. Khalemelo Kerekeng - ho etsetsa Kereke Molemo.

THUTO EA #3:

- II. Mabaka a Khalemelo Kerekeng: (Nts'etso-pele.)
 - E. Khalemelo Kerekeng – ho fana ka Ts'ireletso khahlanong le lithuto tse khelohileng.
- III. Mekhoa ea Khalemo Kerekeng:
 - A. Boitlhlhlobo.
 - B. Thapelo.
 - C. Lerato le Bonolo.
 - D. Boikarabello ba Kereke ka kakaretso.
 - E. Ketso ea Tlhokomeliso.

THUTO EA #4:

- III. Mekhoa ea Khalemo ea Kereke: (nts'etso-pele.)
 - F. Ho fana ka Mehlala e metle le e Mebe.
 - G. Ho khaola.

THUTO EA #5:

- IV. Qetello ea thuto:
 - A. Boikhopotso.
 - Mesebetsi ea sehlopha.
 - Tlhahlobo.

KHALEMELO KEREKENG

Notes —

Tlhahlobo

Lipotso tse ka lebelloang, limaraka li 20

- 1) Bolela bohlokoa ba Khalemelo Kerekeng (Maq. 149, 150).
- 2) Hlalosa o bo hlakise Ketso ea Tlhokomeliso joalokaha e fumanoa ho Math 18:15-17 (Maq. 160, 161).
- 3) Bonts'a hore na ho khaola, e leng mohato oa qetelo oa khalemo kerekeng, o lumellana le Bibe le ha kae (maq. 162,163).

Lipotso tse ka lebelloang, limaraka li 10

- 1) Hlalosa lebaka le le leng leo e seng la Bibe le la Khalemo Kerekeng (leq.148).
- 2) Sebelisa Lengolo le le leng ho bonts'a hore na hobaneng sepheo-kholo sa Khalemelo Kerekeng e lokelang e be ho sireletsa seriti le bohloeki ba kereke (maq. 153-155).
- 3) Sebelisa 1 Bathes 5:14 ho bonts'a boikarabello ba kereke eohle hore e khaleme litho tsa eona (leq. 159).
- 4) Ka bokhuts'oane, hlalosa taba ea ho nehelana "ka ea joalo ho Satane bakeng sa ho sengoa ha nama ea hae" (leq. 163, 164).
- 5) Molao oa bohlokoa-hlokoa oa Khalemo kerekeng ke o fe (leq. 165)?
- 6) Katleho ea khalemo Kerekeng e its'etlehile ka eng (leq. 165,166)?


KHALEMELO KEREKENG

I. Selelekela sa thuto.

Notes —

A. Khalemo kerekeng ke eng?

1. Khalemo e ka hlaloso a le thuto e amanang le boits'oaro bo amohelang. Re ithuta kutlo ka tataiso, taolo, le khalemo (Bah 12:11).
2. Testamenteng e Ncha, khalemo e na le boleng bo botle. mohloli oa khalemo ke Lerato (Ts'en 3:19).
3. Re ka re hona le mefuta e 'meli ea khalemo Testamenteng e Ncha.
 - a. boikhalemo (motho o ikhalema bo-eena).
 - b. khalemo ea kereke.



Ntlha ea Puisano

kutloisiso ea hau ea khalemo ke e fe? Na e ntle kapa e mpe?

B. Maikutlo-kholo a thuto ena.

1. Thuto ena eona e tla shebana haholo le khalemo e kahar'a kereke.
2. Ka ho totobala, re tla sheba hore na Testamente e Ncha e reng ka **Mabaka le mekhoha** ea ho khalema Kerekeng.

KHALEMELO KEREKENG

Notes —

II. Mabaka a Khalemo Kerekeng.

A. Mabaka a Bibe le ao e seng a Bibe.

1. A mang a mabaka a Paulosi a Khalemo Kerekeng.
 - a. ho tsoseletsa ea entseng sebe.
 - b. ho boloka seriti le bohloeki ba Kereke.
 - c. ho fa Krete tlhompho.
2. Mabaka ana a mararo a na le ntho e ts'oanang kaofela oona. A lupa tabatabelo ea litholoana tse ntle, tse babatsehang.
3. Testamenteng e Ncha, Khalemo Kerekeng e hlaloso a le ketso ea “bolisa/boalosi” e seng ketso ea “khoboso.”
 - a. Taba-kholo e ne e le ts'ehetso. Ba entseng libe ba ne ba khothatsoa, ba khutlisetsoa tikolohong ea tumelo hape, e seng ho ba qhelela-ntle ho sebaka sa tumelo. (Bah 3:12, 13).
 - b. Lebaka la Khalemo kerekeng, ha ea lokela ho ba ho ahloloa (kotlo e malebana le ketso ea bobe). Kotlo e lokela e sieloe Molimo, eo eena a tla e phetha ka nako ea hae (sheba Bar 12:19; le 1 Bathes 5:15).

Beha Mohlala oa hau

KHALEMELO KEREKENG

B. Bohlokoa ba Khalemo Kerekeng.

Notes

1. Molemong oa ho utloisisa bohlokoa ba khalemo bakeng sa Paulosi, re lokela ho utloisisa chalimo ea hae ea sebe.
 - a. Paulosi o ne a utloisisa sebe e le ts'usumetso e tsoang ntle, e tsebang hore na e tla hlasela joang, le hona ho kae.
 - b. O ne a na le kutloiso ea bonnete ba tlhaselo ea meea e mebe khahlanong le matla le taolo ea Molimo (sheba 2 Bakr 2:11; Bae 6:12; 2 Bathes 2:9).
 - c. O ne a na le kutloiso ea hore hona le ntoa e tsoelang-pele pakeng tsa motho oa khale le motho e mocha. Hoo ke hore, pakeng tsa boleng ba Adama, le boleng boo Kreste e leng khubu ea bona (Bag 5:17).
2. Paulosi o ne a utloisisa ho fokola ha nama. O ne a tseba matla a boleng ba sebe. Kahoo, taba ea khalemo e ne e le ntho ea bohlokoahali ho Paulosi.

Moapostola Paulosi le Khalemo:

KUTLOISISO ea ho fokola ha nama

KUTLOISISO ea bohlokoa ba Khalemo

TS'USUMETSO EA HO KHALEMA

3. Ho 1 Bakr 5:1-13, re bona bohlokoa ba khalemo bakeng sa Paulosi.
 - a. Ho ne hona le motho ea neng a oele sebeng. Leha ho le joalo, kereke ea Korinthe e ne e sa ts'oengoe le ho tsotella letho ha sena ntse se etsahala. Ba ne ba sa nke boikarabello ba ho khalema motho eo. Paulosi o ile a ba toba, a ba khalema, hape a ba laela ho sebetsa ka khalemo.
 - b. Paulosi o entse sena hobane a utloisisa boleng le kotsi ea sebe.

KHALEMELO KEREKENG

Notes —

4. Likereke tse ngata tsa matsatsi ana, li ts'oana le eo ea Kotinthe.

- a. Li tletse ka boikhohomoso le boikakaso (tem. 2). Ba ipaka le ho ithoholetsa ka ho ba le mamello ea sebe (tem.6). Ba khotsofaletse lerato la botho, le tletseng boikaketsi.
- b. Ha ba utlosise boleng le kotsi ea sebe. Ke tomoso. (tem. 6). E tla hola. Ho hong ho lokela ho etsoa kapele-pele (tem. 7).

Etsa mohlala oa hau

- c. Haeba re utloisisa boleng ba sebe, re tla utloisisa bohlokoa ba khalemo. Re tla bona khalemo e le eona feela ts'epo (sheba 1 Bakr 5:5).

Ntlha ea Puisano

Bala Lipro 19:18; 23:13, 14; 13:24; le 29:15.

Litemana tsee tsa Liprovia li amana joang le Khalemo ea Kereke?

Akofisa puisano ka ho bala litemana tse ho Liprovia, e be moo ho sebelisitsoeng “ngoana” e tlose o behe “moetsalibe”, moo ho ngotsoeng “motsoali” o behe “kereke.”

Hape, bua ka lipolelo tse latelang:

Motsoali ea sa khalemeng ngoana oa hae (ka phafa) ha a utloisisa botebo le kotsi ea ho hloka kutlo.

Kereke e sa khalemeng litho tsa eona, ha e utloisisa botebo le kotsi ea Sebe.

KHALEMELO KEREKENG

C. Khalemo Kerekeng – Ho fumants'a motho ea entseng sebe molemo.

1. Sepheo sa rona sa khalemo, se lokela ho ipapisa le cheseho ea ho thusa motho ea khalengoang. Khalemo ea kereke, ke khalemo e fanoang ke Morena oa Kereke.
2. Mabaka a matle a ho khalema.
 - a. Lerato (Bah 12:6; 2 Bakr 2:4).
 - 1) Hlokomela le ho qoba lerato la bohata. Mamello e se nang thuso, ke mohloli oa botsoa le phokolo ea tsotello le lerato. Hangata ke lerato la botho le tletseng ka boikaketsi, ebile e le la bohata. E ka hona ke hona hoo Paulosi a neng a ho bolela ho 1 Bakr 5:2, 6. Ke kholoa hore Bakorinthe ba ne ba le motlotlo ka mamello ea bona ea manchano-chano. Leha ho le joalo, ho mamella sebe, ha se lerato (sheba lits'upo tsa sebopeho sa sengoli ka lerato ho Bah 1:13). Re lokela ho amohela le ho rata moetsalibe, empa ha rea lokela ho ananela le ho rata sebe.
 - 2) Paulosi o re ho ena le hore ba ikhohomose, ba ne ba lokela ho lla (tem. 2). Ho lokela ho be le 'nete malebana le katamelo ea rona tabeng ea botebo ba sebe. Hona ho tla etella-pele khalemo ka lerato.

Mohlala oa Sengoli:

A ko nahane ka tlhoro ea ntate, e bakiloeng ke ho se utloe ha mor'a hae. ntate o khalema mora ka baka la ho morata le ho motsotella.

Lerato la 'nete le tla hlhisa thahasello ea ho khalema hobane, lerato la 'nete le lakatsa ho bona tsoseletso ea ea ratoang (sheba 2 Tim 2:25,26).

Etsa Mohlala oa Hau

Notes

KHALEMELO KEREKENG

Notes —

b. Boikokobetso (Bag 6:1).

- 1) Sheba mefuta ea mantsoe a sebelisitsoeng ho 2 Bathes 3:6-15.
 - a) “Bana ba bo lona bohle ba phelang e le likhoba” (tem.6). Paulosi o ne a ka ‘na a sebelisa mantsoe a boima joaloka “balotsana bohle ba botsoa ba bileng ba se nang thuso.”
 - b) “ba bang har’a lona” (tem. 11). Paulosi o ne a ka ‘na a sebelisa mantsoe a ahlolang joaloka “ba bang ba se nang thuso mahareng a lona.”
 - c) “Ba joalo” (tem. 12). Paulosi o ne a ka ‘na a sebelisa mantsoe a tletseng lehloeo joaloka “bao ba eisehang.”
- 2) Paulosi o ne a ka ‘na a ahlola ba etsang tse lits’ila ka mantsoe a hae. empa hona e ne e se sepheo sa hae. kahoo, e ne e se lebaka-kholo le boikemisetso ba hae.
 - a) Sepheo sa hae e ne e le ho tsoseletsa e seng ho tsoa ba bang. O ne a khothatsoa le ho tsamaisoa ke lerato, e seng lehloeo le boiphetsetso.
 - b) Lebaka la khalemo, ke ho toba sebe se entsoeng. Ha se ho ba khahlanong le ea se entseng.

Beha Mohlala oa Hau:

3. Paulosi o ne a khona ho tiisa ha a ea a lebane le batho hobane mabaka a hae a ne a totobetse (sheba 2 Bathes 3:14)
 - a. Lenyatsong la hae la sebe, o ne a sa fetohe.
 - b. O ne a lula a tletse ka lerato, le tsotello ea ‘nete bakeng sa batho.

KHALEMELO KEREKENG

4. Tsosetso ea ea oeleng sebeng, ke sona sepheo-kholo le mokhoa oa ho phethisa Khalemo Kerekeng.

- a. Ho hlajoa ke lihlong, ho bapala karolo e lokelang ho thusa ho ea tsosetso.
- b. Moelelo oa polelo “ho hlajoa ke lihlong” (tem. 14) o kenyeletsa taba ea ho “ipona.”
 - 1) Ke ketso ea boitliahlobo le boits’oabelo malebana le sebe.
 - 2) Sepheo ke hore boitliahlobo le boits’oabelo bona, li tla thusa motho ho baka. Ha pako e le teng, ts’oarelo e teng. Khalemo e etsoa bakeng sa ho tsosetso ea oeleng. Ha e etsoe ho ahlola kapa ho iphetetsa ho ea oeleng.

Ntlha ea Puisano

Haeba o kile oa nka karolo Khalemong ea Kereke, na sepheo sa hau se seholo e ne e le ho thusa motho ea oeleng? Kapa e ne e le karabelo ea hobane o fositsoe? Re lokela ho hlahloba lipelo tsa rona e le hore maikemisetso a rona a hloke ho sebetsaneng le batho ba hlokang ho khalengoa

D. Khalemo Kerekeng – Ho fumants’a Kereke Molemo.

1. Karolo e ngoe ea lebaka la Khalemo Kerekeng, ke ho boloka le ho sireletsa seriti le bohloeki ba Kereke. Hore kereke e tle e hole, e lokela ho boloka seriti se setle.
 - a. Boteng ba sebe, ho se pako kahar’a kereke, ha ho lumellane le molaetsa oa Kereke. Hona ho ka ama boleng bo botle ba molaetsa oa Kereke.
 - b. Ha boleng ba molaetsa bo ameha, le kholo ea kereke e ea ameha, e ea kikitilela.

Notes

—

KHALEMELO KEREKENG

Notes

2. Mantsoe a Paulosi a bonts'a ka matla hore kereke e ke ke ea lumelloa ho hlajoa ke lihlong ka baka la sebe sa litho tsa eona.
 - a. Sheba 1 Bakr 5:1.
 - 1) Paulosi o re, “ho utloahala hore.” Polelo ena e bonts'a kotsi eo sebe se nang le eona seriting sa kereke.
 - 2) O tsoelapele, “ke bohlola ba mofuta o ke keng oa e ba teng le har'a bahedene.” Polelo eena e bonts'a botebo ba bobbe boo sebe se nang le bona botumong le seriting sa Kereke.
 - b. Elelloa bohlokoa ba seriti le botumo bo botle ba kereke (sheba 1 Bakr 6:1, 4).

Ntlha ea Puisano

Na lefats'e le elelloa boteng ba sebe kahar'a kereke?
Na ba potlakela ho se phatlalatsa?
Karabelo ea lefats'e ke e fe ho hlaheng ha sebe kahar'a kereke?
Hoo ho ama maikutlo a bong joang malebana le mokhoa oo ba phelang ka oona?

3. Sebe kahar'a kereke se fa lira tsa Molimo monyetla oa hore ba rohake lebitso la Molimo (sheba Bar 2:24 le 1 Tim 6:1).
 - a. Sebe se lokela ho tlosoa (1 Bakr 5:7a) e le hore tlotla le tlhompho ea Molimo li tsosetsoe (1 Bakr 5:7b).
 - b. Ke ka ho etsa hoo feela bopaki ba Kereke bo ka atlehang.

Beha Mohlala oa Hau

KHALEMELO KEREKENG

4. Seriti le botumo bo botle ba kereke, ke lintho tsa bohlokoa haholo bakeng sa ho evangela le ho etsa mosebetsi oa borumuoa.
 - a. Kereke e fana ka bopaki ba Molimo lefat'eng. Molimo o khethile ho sebelisa kereke hore ho tsejoe Khanya ea Hae le Lebitso la Hae.
 - b. Chebahalo ea Molimo e ipapisa le chebahalo ea kereke. Ke kereke e hloekileng e tla etsa hore lefats'e le tlotlise Molimo ha Krete a khutla (1 Petr 2:12).

Ntlha ea Puisano

Ho etsahalang ha lefats'e le bona kereke e sa fapana le lona, batho ba sa bone Bakreste ba na le kutloelo-bohloko, ba sa bone khalalelo, kapa ba sa bone Krete e le khubu ea bophelo ba Kereke?

5. Kereke e lokela ho tsejoa ka ho halalela hobane Molimo oa Halalela. Hona ke hore, O (le kereke) arohane le (ke botoloki ba mantlha ba lentsoe "khalaletso").
 - a. Kereke e lokela ho arohana le sebe. E, motheo oa khalemo Kerekeng ke khalalelo ea Molimo.
 - b. Ho fokola ha khalemo, ho bonts'a ho fokola ha kutloisiso malebana le khalalelo ea Molimo.
6. Ho tsamaisa le ho laola kereke, re lokela ho khalema. Sepheo-kholo sa rona ke ho boloka seriti le botumo bo botle kerekeng (sheba 1 Tim 5:19, 20).

Notes

—

KHALEMELO KEREKENG

Notes

7. Sheba potso ea Paulosi ho 1 Bakr 5:6. “tomoso” e ne e le sesupo sa bokhopo le ho hloka bohloeki. Mona ho hlakile. Lebaka la khalemo ea Paulosi ho kereke, e ne e le ho boloka seriti se setle sa kereke (hape sheba Josh 7:25).
 - a. Hape, kereke ke ‘mele. Kereke e **ngoe!**
 - 1) Tomoso e lomosa hlama eohle ka baka la ts’usumetso ea eona e mpe.
 - 2) E boetse e lomosa hlama eohle kaha kereke e le ‘mele. Re ka re, ha a le mong a etsa sebe kerekeng, hoo ho ts’oana le ha e le rona bohle ba entseng sebe (1 Bakr 12:26).
 - b. Tikoloho ea bongoe/bong (joaloka America), taba ena e thata ho utloisiseha le ho ananeleha. Leha ho le joalo, ke ‘nete.
 - 1) Ke ‘nete semoeeng.
 - 2) E boetse ke ‘nete ts’ebetsong.
 - 3) Hopola, sebe se seholo sa 1Bakr 5, se ile sa fumanoa kerekeng e nang le mathata a mangata a ho hloka boits’oaro le bohlola.
 - 4) Hona ha se bothata ba motho a le mong. Ke bothata ba kereke hobane kereke ke ‘mele.
 - 5) Ha kereke e ka utloisisa le ho ananela taba ena, e tla ba le boikemisetso ba ho fana ka khalemo kerekeng.

Ntlha ea Puisano

Ha motho e mong a le sebeng kerekeng ea hau, na o bona e le bothata ba hae a inots’i, kapa e le bothata ba kereke eohle? Na ho sheba kereke e le ‘mele o le mong, ho tla fetola tsela eo o shebang khalemo ka eona?

KHALEMELO KEREKENG

E. Khalemo kerekeng – Ho fana ka ts’ireletso khahlanong le Lithuto tse khelohileng.

Notes —

1. Lithuto tse khelohileng li ka baka likarohano kahar’a kereke.
2. Paulosi o sebelisitse khalemo ea Kereke maamong a mofuta oona. (sheba Tit 3:10; 1 Bakr 11:19; le Bag 5:20; le Bar16:17).
3. Lebaka la Khalemo Kerekeng, maamong a tjena e ne e le ho sireletsa kereke (sheba Bag 1:6-9).
4. Empa, le maamong ana, Paulosi o ne a ntse a tsotella motho ka mong (sheba Tit1:9-13).

Beha Mohlala oa hau

Ntlha ea Puisano

Ka bokhuts’oane, bua ka maikutlo, o arabe le lipotso tse ka hlahang malebana le mabaka bakeng sa khalemo kerekeng.

III. Mekhoa ea Khalemo Kerekeng.

A. Boitlhahlobo.

1. Mabaka a Khalemo Kerekeng, a ama mekhoea ea khalemo Kerekeng. Haeba mabaka a rona a ho khalema a ne a nepahetse, re tla khona ho itlhahloba pele re hlahloba ba bang (bala le ho bua ka (Bag 6:1).
2. Haeba ho se boitlhahlobo pele, motho a ke ke a itlhophela ho ba lefiso la ts’ebetso bakeng sa ho akofisa khalemo. A ke ke a ba le lerato le boikokobetso tse hlokoang.

KHALEMELO KEREKENG

Notes —

Ntlha ea Puisano

Bala o be o bue ka Math 7:1-5, malebana le Khalemo Kerekeng.

B. Thapelo.

1. Thapelo e lokela e be motheo oa ketsahalo ea Khalemo.
2. Litaelong tsa hae ho 1 Bakr 5:3, 4, Paulosi o bonts'a hore thapelo e-ea hlokahala bakeng sa Khalemo Kerekeng.
3. Kereke e na le tokelo ea ho khalema hobane ke 'mele oa Krete. E na le kopano e otlohileng le hlooho. Ka thapelo, e ka senola thato ea Krete e le hore e khone ho khalema ka nepo (sheba Math 18:18-20).

Beha Mohlala oa hau

Ntlha ea Puisano

A ko nahane ka nako eo Morena a neng a senola thato ea hae ka thapelo malebana le Khalemo Kerekeng. Arolela ba bang mapaki ka bohla le kelo-tlhoko.

C. Lerato le Bonolo.

1. Le ka har'a boemo bo boima haholo, Paulosi o ne a khothaletsa hore Khalemo kerekeng e etsoe ka lerato le ka bonolo (2 Bathes 3:15).
2. Ho latela mokhoa oona, re lokela ho beha mantsoe ana ts'ebetsong, hangata a bitsoa mantsoe a Augustine: "Bola ea phoso empa rata motho ea entseng phoso." (Sheba Bag 5:23 le 6:1.)

KHALEMELO KEREKENG

Beha Mohlala oa Hau

Notes

D. Boikarabello ba Kereke Eohle.

1. Ho hlakile hore Paulosi o ne a batla ho tsetsisa kereke ea lehae e le eona koloi e akofisang khalemo Kerekeng.
2. Baetapele ba sebetsa ‘moho le phutheho ho akofisa le ho phethisa Khalemo Kerekeng.
 - a. Mohlala, polelo e ho 1 Bakr 5:13, e tsoa ho Deotr 17:7.
 - 1) Ho Deut17:7, rea elelloa hore tebello ke hore bohle ba nke karolo (hlokomela thello ho tloha ho **lipaki** ho ea ho **sechaba**).
 - 2) Bakeng sa tlhakisiso, Paulosi o sebelisitse lentsoe la ketso (tlosa) bongateng, “re tlosa.” Litemaneng tsa Testamente ea Khale, lentsoe lena le sebelisoa ho supa bongoe. (sheba Deutr 19:19; 22:21, 24; 24:7.)
 - b. 1Bathes 5:14, e bonts’a boikarabello e le ba kereke eohle. Kereke e le ‘mele e na le boikarabello ba ho khalema.
 - c. Hape, sheba ts’ebeliso ea lentsoe “**Bohle**” ho 1 Tim 5:20.
 - d. Baithuti ba bangata ba Bibe le ba lumela hore lengolo la “Tite” le ne le baloa ka pele ho bohle. Haeba hona e le ‘nete, taelo ea ho khalema ho 2:15, e ne e lokela ho etsoa ke kereke eohle.
 - e. Hape sheba 2 Bakr 2:6 le 1 Bakr 5:4 malebana le kereke e le ‘mele le Khalemo.

KHALEMELO KEREKENG

Notes —

Ntlha ea Puisano

U nahana ho ka ba le phethoho ea mofuta o fe malebana le khalemo haeba kereke eohle e sebetsana ka lerato le bonolo le batho ba khalengoang?

E. Ketsahalo ea Tlhokomeliso.

1. Bala Math 18:15-17. Sena ke serapa se feletseng Bibeleng malebana le Ketsahalo ea Tlhokomeliso.
 - a. Methapo ea ketsahalo ea tlhokomeliso, e fumanoa ho seo Bajuda ba neng ba se etsa le baruti ba bona (li-tichere, basebeleksi). Haeba Rabbi a ne a entse ho hong ho hobe, ho ne ho na le mantsoe a sebelisoang ho mokhalema le ho mohlokomelisa ka matla. Hona ho ne ho etsoa bakeng sa matsatsi a 30. Haeba bothata bo ntse bo tsoelapele, ho ne ho fanoa ka matsatsi a mang a 30 hape, lipolelo li ntse li ts'oana. Kamor'a moo, ho ne ho latela ho khaoloa, hoo le puisano le ea khaotsoeng e bang sieo.
 - b. Hape, sheba ketshahalo e fumanoang ho Tite 3:10, "ea bakang likhaohano, o mokhaleme ha ngoe kapa ha beli, e be o khaohana le eena."
2. Hona le mehato e mene ketsahalong ea tlhokomeliso ho Math 18:15-17:
 - a. toba motho eo moo le leng bang le eena. E-ea o le mong (tem. 15).
 - b. toba motho eo le motho kapa ba babeli (tem.16).
 - c. toba motho eo kapele ho kereke eohle (tem. 17a).
 - d. Monke e le mohedene (tem.17b).
3. Sheba mehato e mene e ka holimo o ipapisitse le Mangolo ana:
 - a. Bag 6:1.
 - b. 1 Tim5:19.
 - c. 1 Tim5:20.
 - d. 1 Bakr 5:5; 1 Tim1:20.

KHALEMELO KEREKENG

4. Taba ea Khalemo ea Kereke, ke ntho e nkang nako. Khalemo ha e qale ka lehlakore le matla la ho toba. E etsahala mohato ka mohato.

Notes

- a. Mohlala, sheba taba ea “likhoba” (ba botsoa) ho 1 & 2Bathesalonika.
- 1) Pele, Paulosi o fane ka tlhokomeliso e bobebe ho bona ho 1Bathes 4:11 le 5:14.
 - 2) Empa a boetse a fana ka tlhokomeliso hape, empa e se e le matla ho 2Bathes3:6-15.

Ntlha ea Puisano

Bua ka mathata a bakoang ke ho etsa khalemo ea kereke o sa latele methati kapa mehato ea ho lokisa. Setla-morao ke se fe?

F. Ho fana ka mehlala e metle le e mebe.

1. Paulosi o fane ka mehlala e le karolo ea mokhoa oa hae oa ho khalema.
 - a. O fane ka mehlala e metle e ka lateloang, joaloka ho 2Bathes3:6-10.
 - 1) “lona le tseba kamoo le tlamehang hore etsisa” (2 Bathes 3:7).
 - 2) “empa e ne e le hore re le etsetse mehlala, le tle le re etsise”(2 Bathes 3:9).
 - b. O boetse o bonts’itse mehlala o mobe o sa lokelang ho lateloa, joaloka ho 1Tim 5:19,20.
 - 1) “ba entseng sebe, o ba khalemele mahlong a bohle, e le hore ba bang bohle ba tle ba ts’abe” (tem.20).
 - 2) Taba mona ke hore, mehlala o mobe, o fanoa e le karolo ea ketsahalo ea Khalemo.
2. Ka bobeli, mehlala e metle le e mebe, e sebelitse ho thusana bakeng sa boits’oaro. E ne e sebelisoa ho thusa ba bang ho etsa botle.

KHALEMELO KEREKENG

Notes —

G. Ho khaolola.

1. E, taba ea ho khaolola e teng Bibeleng. Ke mohato oa ho qetela khalemong ea kereke.
2. Empa, e ka hona le mekhahlelo e meli ea ho khaola.
 - a. Mokhahlelo oa pele: “le se ikamahanye le eena” ka letho (2Bathes 3:14; 1Bakr 5:9).
 - 1) Litemana tsena ka bobeli li sebelisa lentsoe le ts’oanang la Segerike (“sunanamignomi”). Lentsoe lena ha le fumanehe nqa e ngoe Testamenteng e Ncha. Taba e jeroeng ke lentsoe lena ke ho bolella ba bang hore ba se be le kopano ea letho le motho ea seng a fihletse boemo bona ba khalemo.
 - 2) Mokhahlelo oona oa ho Khaola, o tebile haholo. Ho tloha mona, ha ho sa le moo houoang.
 - a) Sheba 1Bakr 5:11 le 2Bathes3:10,12, malebana le ho ja.
 - b) Kopano e kholo e ea etsahala ha ho jeoa hammoho (sheba Lik 2:46). Haeba ea khalengoang a sa je le ba bang, hoo ke sesupo sa hore phokolo ea **kopano** le eena e phethetsoe.
 - 3) Leha ho le joalo, khalemo ha e etsoe ka moea oa lehloeo, empa e etsoa ho moena: “feela le se monke e le sera, le mokhalemele e le ngoan’abo lona” (2 Bathes 3:15).
 - 4) Ho hloma e ka hona le ho loants’ana mona. Ho se be le kopano le motho, ha ho bonts’e ho lumellana le boena. Leha ho le joalo, ha ho toants’ano ea letho. Khohlano e etsahalang pakeng tsa lintlha tsena e-ea hloka hahala ebile e-ea utloisiseha.

Ntlha ea Puisano

Bua ka sets’oants’o sena, se bonts’ang “khohlano” ea ho khaola.

KHALEMELO KEREKENG

SE IKAMAHANYE LE EENA **Khohlano** **E LE NGOANENO**

Khohlano

Molimo oa halalela————Molimo ke lerato

Khohlano

Nyatsa sebe _____ Rata moetsalibe

Khohlano

MOKHOA OA KHALEMO LEBAKA LA KHALEMELO

Notes

- a) Sets'oants'o sena se bonts'a mohlala oa motle oa khohlano e teng pakeng tsa lebaka le mokhoa oa Khalemo Kerekeng.
 - b) Khohlanong ena, re ka ba le tekano e ntle, joalokaha hona le tekano e ntle sebopehong sa Molimo. Molimo o halalela ka botlalo. Ke lerato ka botlalo. Limelo tsena tsa Molimo ha li hlabane. Li sebetsa hammoho. Ke ntho e ts'oanang le khelemong ea Kereke. Kereke e ka toba ka matla. Empa ka lerato.
- b. Mokhahlelo oa bobeli oa ho khaola: "motho eo a neheloe satane, ho timetsoe 'mele oa hae" (1 Bakr 5:5; 1 Tim 1:20).
- 1) Mokhahlelo oona oa ho khaola, ka tsela e itseng, o thata ho utloisiseha. Ho o utloisisa, re lokela re ele boholo ba Molimo hloko.
 - a) Molimo a ka sebelisa le satane ho fihlella merero ea Hae. Satane a ka sebelisoa e le koloi ea khalemo.
 - b) Molimo a ka sebelisa ho hobe ho hlahisa ho hotle (sheba Pes 76:10 le Bar 8:28).
 - c) Molao oona o ts'oana le molao o hlahang ho 2Bakr 12:7. Lehlaba la satane, le ile la sebelisoa molemo oa bophelong ba Paulosi.

KHALEMELO KEREKENG

Notes

d) Leha satane e ka ba sesebelisoa sa khalemo, merero ea Molimo eona e ntse e le metle.

e) Tebello e kholo ea ho khaoloa, ke hore e hlahise pako. Hona ho etsoa hore “moea oona o tle o pholosoe ka letsatsi la ho tla ha Morena” (1 Bakr 5:5). (hape sheba Liprov 23:13, 14.)

2) Ho nehela e mong ho satane, ha se mohato oa Khalemo kerekeng. Ke setla-morao sa ho khaoloa.

Mohlala oa Sengoli:

Ho khaoloa, e ka ho tsamaea o le mong ntoeng. Lesole le arohaneng le a mang, le monyetleng o moholo oa ho hlaseloa ke sera. Ho ts'oana le Mokreste ea khaotsoeng. Ha a na ts'ireletso ea lebotho la Molimo. Ho bobebe ho hlaseloa ke sera.

Beha Mohlala oa Hau

- 3) Mona re bona bohlokoa ba kopano le khokahano ea kereke e le 'mele. Ho fihlela boemong bo itseng, re ea hlokana.
- a) Hona le ts'ireletseho kahar'a kopano ea sechaba sa Molimo.
 - b) Khalemo e etsoa ha ts'ireletseho eo e tlosoa. Hona ho bitsoa ho khaoloa.

KHALEMELO KEREKENG

Maikutlo a Sengoli:

Re lokela ho sheba papiso ea ngoana ea lehlasoa bakeng sa ho utloisisa molao oona (Luk15:11-32).

Hangata motho ha a bake ho fihlela a elelloa seo a lahlehetsoeng ke sona. Hona ho ile ha etsahala ka ngoana ea lehlasoa. O ile a baka ha a bona bohlokoa le melemo ea ts'ireletso ea lehae.

Hona ho ts'oana le motho ea seng a fihletse mokhahlelo oa ho qetela oa khalemo. Ho elelloa bohlokoa le melemo ea ts'ireletseho ea lelapa la Molimo, e ka thusa motho eo ho baka. Molimo a sebelisa satane hore motho a elelloe lintho tsena.

Notes —

Ntlha ea Puisano

Pele o koala thuto, bua ka lipotso le maikutlo a mang a amanang le khalemo ka ho khaoloa.

IV. Qetello ea thuto.

A. Boikhopotso.

1. Molao oa bohlokoahali oa khalemo Kerekeng, ke hore kamehla, khalemo e etsoa ho tsoseletsa le ho ts'oarela motho.
2. Katleho ea Khalemo ea Kereke e ipapisa le matla a kopano kahar'a kereke eo. Ha kopano e matlafala kerekeng, hoo ho akofisa khalemo ea kereke.
 - a. Khalemo ea kereke, e ts'oana le ntate ea nang le mor'a a sa mameleng. Haeba ntate a batla ho khalema ngoana eo, o lokela a be a na le kamano e tebileng le eena. Haeba a na le kamano e fokolang le eena, khalemo e ke ke ea fetola letho.
 - b. Hobaneng hoo e le 'nete? Ke 'nete hobane ho thata ho roba le ho senya kamano.
 - c. Mohlala, **ho khaola** ho ba matla ha feela ho ne ho na le **kamano**. Empa haeba sethathong ho ne ho se **kamano, ho khaoloa** ha hona moelelo.

KHALEMELO KEREKENG

Notes —

Mohlala oa Sengoli:

Ho khaola moo likamano tse matla li leng sieo, ho ts'oana le ntate ea ts'osang mor'a ea sa utloeng ka hore "haeba o sa fetohle, ha ke na bapala bolo le uena." Haeba ntate enoa a qetetse ho bapala le mora lilemo tse tharo tse fetileng, khalemo eo e ke ke ea fetola letho.

Mohlomong ho fokola ha kopano likerekeng tse ling, ho hlalosa ho fokola ha khalemo likerekeng tse joalo.

3. khalemo e atlehileng, ea Kereke, e ipapisitseng le Bibe le ha se ntho e bobebe ho etsahala. Re lokela ho ba le tekano e ntle pakeng tsa khalalelo ea Molimo le lerato la Molimo. Re lokela ho ithuta ho bua 'nete ka lerato.

Mesebetsi ea Sehlopha:

Mosebetsi oa 1:

Haeba nako e ntse e le teng qetellong ea thuto, tichere e lokela ho bonts'a baithuti mosebetsi oona.

Baithuti ba lokela ho lula ka bobeli. Baithuti ba lokela ho mamelana e mong ho e mong, ha ba ntse ba bua ka lehlakore le fokolang la sebopeho sa hae. E ba hlokolosi haholo boemong bona.

Baithuti ba lokela ho ithuta ho bua 'nete ka lerato. Sheba le ho ikhopotsa tse ling tsa lintlha tsa thuto ena. Ba lokela ho fana ka maikutlo a hahisang e mong ho e mong.

E be ba fetola libaka

Mosebetsi oa bobeli:

Haeba nako e ntle e le teng, Tichere a ka etsa "ts'oants'iso" malebana le boemo bo ka hlahang ba khalemo ea kereke. Sebelisa boqapi ba hau. Leka ho thusa baithuti hore ba sebetsane le boemo boo. Ikhopotse tse ling tsa lintlha tsa thuto ena haeba ho hloka hahala.